

ՆՈՐ ԵՎ ՆՈՐԱԳՈՒՅՆ ՊԱՏՄՈՒԹՅՈՒՆ

ՆԱԻՐԱ ԲԱՔԱՅԱՆ

ԱԴԱՆԱՅԻ 1909Թ. ԿՈՏՈՐԱԾԸ ՕՍՄԱՆՅԱՆ
ԽՈՐՀՐԴԱՐԱՆԻ ՔՆՆԱՐԿՈՒՄՆԵՐՈՒՄ.
ՀԱՅ ԵՐԵՍՓՈԽԱՆՆԵՐԻ ԴԻՐՔՈՐՈՇՈՒՄԸ

Այլանայի կոտորածի ուսումնասիրության բնագավառում հայ իրականության մեջ և արտասահմանում տարբեր լեզուներով հրատարակվել են շատ մեծագույնություններ, հոդվածներ, հուշագրություններ, փաստաթղթեր ու վավերագրեր¹, այնուամենայնիվ խնդրոյ առարկայի որոշ առանցքներ տակավին յուսաբանման կարիք ունեն։ Այսինքն հոդվածում օգտագործելով մամուլում տեղ գտած Մեջլիսի նիստերի արձանագրությունները, ինչպես նաև այլ աղբյուրներ, փորձ է արվում հնարավորության սահմաններում ամփոփառել Օսմանյան խորհրդարանում Ալանայի դեպքերի քննարկմանը, ինչպես նաև այս խնդրում հայ երեսփոխանների կատարած դերին։

1908թ. «Իթթիհատ վե Թերաքքի» քաղաքական կուսակցությունը, անցնելով իշխանության գլուխ, սկսեց իրականացնել իր բուն ծրագրերը կայսրության ոչ յուրք ժողովուրդների նկատմամբ, որը ազգայնամոլությունը բարձրացրեց պետական քաղաքականության մակարդակի վրա։ Լրիտթուրքերի՝ մահմեդական տարբեր ժողովուրդներին ձուլելու, իսկ քրիստոնյաներին բնաջնջելու ծրագրի իրականացման առաջին մախանջանը Կիլիկիայի քաղաքներին, մասնավորապես Ալանայի հայ ազգաբնակչության կոտորածն էր։ Քանի որ դեպքերը համընկան 1909թ. մարտի 31-ի (ապրիլի 13-ի) հետադիմական շարժման, ուստի պատահական չէ, որ խնդրոյ շուրջ պատասխանատվության հարցում կան տարբեր վարկածներ ու մոտեցումներ, իրարամերձ և հակասական տեսակետներ, զանազան կարծիքներ ու գնահատականներ²։

Ալանայի երկփուլ կոտորածը, որին նոր վաղչակարգի պայմաններում զոհ գնացին մոտավորապես 30 հազար հայ, կազմակերպվել և հրահանգավորվել էր երիտթուրքերի կողմից. թեև վերջիններս փորձեցին մեղքը բարդել սկզբում Աբդուլ Համիդ II-ի կողմնակիցների վրա, այնու-

7
հետև հայ քաղաքական կուսակցությունների վրա՝ մտացածին մեղադրանք հարուցելով, թե նրանք ապստամբություն նախապատրաստելու պատճառով սանձահարվել են տեղական իշխանության գործադասների և մահմեդական բնակչության կողմից¹։ Ինչ վերաբերում է դաշնակցականների, ապա վերջիններս նախընտրեցին այս արյունալի սպանող վերադրել հին մահախնդրին, ուստի և Աղանայի ջարդի օրերին ու հետագայում ևս շարունակեցին սերտորեն համագործակցել Իթքիհատ կուսակցության հետ։ Թվում էր Աղանայի դեպքերից հետո Դաշնակցություն կուսակցությունը երիտթուրքերի հետ կխզի իր կապերը, սակայն ցավոք, դա տեղի չունեցավ, ընդհակառակը, 1909թ. սեպտեմբերին Հ.Յ.Դաշնակցության 5-րդ համագումարը որոշում կայացրեց շարունակել համագործակցել Իթքիհատականների հետ։ Արդյունքում երկու կուսակցության ղեկավարների միջև ստորագրվեց մի փաստաթուղթ, որը «Դրոշակ» թերթում լույս տեսավ «Համերաշխություն Իթքիհատի և դաշնակցության միջև» խորագրով⁴։

Այս պարագայում այլ դիրքորոշում ունեցավ Հնչակյան կուսակցությունը, որն ի տարբերություն Դաշնակցության, հեղափոխությունից առաջ եւ խուսափեց երիտթուրքերի հետ համագործակցելուց, և ստեղծված իրավիճակում նպատակահարմար գտավ հանդես գալ հակաիթքիհատական, այսինքն՝ «Ազատություն և համաձայնություն» («Հյուրիեթ վե իթլիսֆ») կուսակցության դիրքերից⁵։

Ինչ վերաբերում է երիտթուրքերի կողմից հայ քաղաքական կուսակցություններին ու ֆիդայիներին ներկայացրած մեղադրանքներին, հարկ ենք համարում փաստել, որ 1909թ. մարտի 31-ի ապստամբության ճնշման գործում թե ֆիդայիների, և թե դաշնակցականների ու հնչակյանների ցուցաբերած օգնությունը փոքր չէր և արժանի էր հիշատակման⁶։

Արդի թուրք պատմաբաններն ու հեղինակները խեղաթյուրելով պատմական իրողությունը, այդ թվում նաև Աղանայի ջարդը, ջանքեր չեն խնայում արդարացնելու երիտթուրքերի ազգայնամոլ քաղաքականությունը։ Օրինակ, պանթուրքիստ պատմաբան Էսադ Ուրասը որպես Աղանայի ջարդերի գլխավոր մեղավոր մատնանշում է հայերին, որոնք նրա հավաստիացմամբ, «տանջում էին մահմեդականներին. երիտթուրքերի կառավարությունն այստեղ մեղք չունի», գրում է նա⁷։ Պատմության կեղծարարները, հանձինս Էսադ Ուրուսի⁸, Սադի Բոչաշի⁹, Բյանուրան Գյուրումի¹⁰ և մյուսների որպես Աղանայի 1909թ. ջարդի գլխավոր պատասխանատու հիշատակում են Աղանայի հայոց առաջնորդ Մուշեղ եպիսկոպոսի անունը, սակայն այլ աղբյուրներ մատնանշում են, որ դա Իթքիհատի կողմից նախապես ծրագրավորած ձեռնարկ էր։

Ուշագրավ է Աղանայի ողբերգական դեպքերի ժամանակակից, Հայկում հրատարակվող «Ալ Թագատումն» օրաթերթի խմբագիր Շուքրի

Հենդերլի տեսակետները ջարդի գլխավոր պատճառների վերաբերյալ: Վերջինիս եզրահանգումներով Ադամայի թուրքերի մոտ գոյություն ունեւորւմ ապրտնահեղություն պատճառելու նախատեսմադրվածություն և կառավարության անտարբեր վերաբերմունքի պարագայում, ջարդերը ստացան ավելի համրոնհանուր բնույթ¹¹:

Այն հանգամանքը, որ Ադամայի կոտորածը երիտթուրքերի ծրագրային գործունեության մի մասն էր, հաստատում էր դեռևս 1909թ. Սալոնիկում գումարված Իթթիհատի համագումարը, սրտեղ Թալեաթի կողմից լրնթերցվել էր գաղտնի տեղեկագիր՝ հայության բնաջնջման հրահանգների վերաբերյալ: Այս տեղեկագրի բովանդակության մասին տեղակացված լինելով՝ Լոնդոնի «Դեյլի Նյուզ» թերթի Պոլսի թղթակիցը, ծալոված մտել էր ժողովասրահ և վերոնիշյալի մասին հայտնել իր թերթին¹²:

Թուրք հեղինակները, բնական է, գիտակցաբար շրջանցում են ակնհայտ դարձած իթթիահատական Իսմայիլ Մեֆայի «Իթիլալ» թերթում ապրիլի 22-ին, այսինքն ջարդերի վերսկսումից ընդամենը երեք օր առաջ հրատարակած հոդվածը, որտեղ բացահայտ կերպով գրված էր. «Այն ինչ կատարվեց, դեռ բոլորը չէ: Մենք միայն կարճատև դադար տվեցինք: Բայց մենք դեռ կտեսնենք, թե ինչով կավարտվի այս բոլորը»¹³:

Այսպիսով, դատելով վերը շարադրվածից, ակնհայտ է դառնում, որ երկրորդ Սահմանադրության հռչակումը չփոխեց կայսրության ոչ մահմեդական ժողովուրդների վիճակը, որի ամենամեծ ասպցույցն, ակավասիկ, Ադամայի ոճիրն էր և Օսմանյան պառլամենտի դրիքորոշումը դեպքերի ճշմարտությունն երևան հանելու ուղղությամբ: Թուրք խորհրդարանականների ճնշող մեծամասնությունը մեծ ջանքեր գործադրեց ոչ միայն ժխտելու թուրքերի մեղսակցության հարցը, այլև նաև ամեն կերպ փորձեց կատարվածի մեղքը բարդել հայերի վրա:

Ինչպես փաստում է Մ.Վարանդյանը «Թուրք պառլամենտն էլ քաջություն չունեցավ խարանելու կատարված ոճիրը»¹⁴: Խորհրդարանի հայ պատգամավորները դեպքի հենց առաջին օրերին իրենց բողոքի ձայնը բարձրացրեցին ընդդեմ անօրինությունների և միաձայն Իթթիհատից պահանջեցին հայտարարել, որ Ադամայի գործում հայերը բացարձակապես անմեղ են: Միևնույն ժամանակ նրանք հանդես եկան հանցագործներին պատժելու և պատասխանատվության ենթարկելու, տուժածներին նյութական օգնություն ցուցաբերելու պահանջներով:

1909թ. ապրիլի 11-ին չորս երեսփոխաններ՝ Գրիգոր Զոհրապի, Թալեաթի, Հակոբ Պապիկյանի և Էրզրումի երեսփոխան Արմեն Գարոյի կողմից խորհրդարանին ներկայացվեց մի թաքրիք (զեկուցագիր)՝ Ադամայի և հարակից շրջանների ջարդը անմիջապես դադարեցնելու և նորանոր աղետները կասեցնելու վերաբերյալ: Համագումար ժողովը միաձայն որոշում կայացրեց նախագահի կողմից դեպքի վայր անմիջապես մի ազդեցիկ հրահանգ հեռագրելու վերաբերյալ: Ադամայի իշխանութ-

յունեներին ուղղվելիք հեռագրի բովանդակությունն ու ոճը հայ երեսփոխաններն Հ.Պատկյանի, Ն.Տաղավարյանի, Պ.Հալաճյանի և Հ.Պոյաճյանի գնահատմամբ բուվականին մեղմ էր և խլիքին. այդ իսկ պատճառով հաշվի առնելով նաև, որ Սվազը նույնպես այդ իրավիճակում է գտնվում, նրանք հանդես եկան հեռագիրն ավելի խիստ և հնարավորինս հասկանալի ու նվազ գրական կերպով խմբագրելու պահանջով: Մերակույտի նախագահ Սայիդ փաշայի առաջարկությամբ կազմվեց հանձնախումբ՝ նոր և ավելի սզողու հեռագիր խմբագրելու համար¹⁵: Օսմանյան խորհրդարանը, քննարկելով Աղանայի ջրային խնդիրը, ինչպես նաև հաշվի առնելով հայ պատգամավորների պահանջները, մի ազդու շրջաբերական հեռագիր ուղարկեց Անատոլիայի բոլոր կուսակալներին և կառավարիչներին՝ ամեն հնարավոր միջոցներով ևսեռ կոստեցնելու և համապատասխան միջոցներ ձեռնարկելու, ջրային պատասխանատուներին խստորեն պատժելու ուղղությամբ¹⁶:

1909թ. ապրիլի 19-ին Օսմանյան երեսփոխանական ժողովում քննության առնվեց նաև Աղանայի կուսակալ Ջևադ բեյի ապրիլի 13-ին խորհրդարան ուղարկված հեռագիրը, որտեղ կուսակալը, աղճատելով իրական վիստեղը, տեղեկություններ է հաղորդում Աղանայի դեպքերի մասին, միաժամանակ մատնանշելով հայ ֆիդայիների մեղսակցության իրողությունը: Հարկ ենք համարում վիստեղ, որ Աղանայի թուրքական շրջանակները, շահագործելով հայկական պաշտպանական դիրքի չափազանցեցված վտանգը, հակված էին տարածելու սադրիչ բազմաթիվ լուրեր հայ ֆիդայիների կողմից կատարված միտումնավոր հարձակումների մասին: Անկասկած, այդ ենթադրյալ հարձակումները ներկայացվում էին որպես հայերի կողմից նախապատրաստված զանգվածային աղյուսահեղությունների և տարածաշրջանի մահմեդական բնակչության բնաջնջման ծրագրի մի մաս¹⁷:

Կուսակալի հեռագրի բովանդակությունը, բնական է, չէր համապատասխանում իրականությանը և դա բոլորի մեծ սալիք բարձրացրեց հայ խորհրդարանականների, ինչպես նաև թուրք անկողմնակալ ուրշ պատգամավորների շրջանակներում: Կուսակալի դեմ մեղադրականով հանդես եկավ Արիֆ Իսմեթ բեյը, նշելով, որ կուսակալի տեղեկությունները բնավ չեն համապատասխանում իրողությանը և, Մեջլիսը չի կարող վստահել կուսակալին ու անտարբեր մնալ մամնօրինակ դեպքերի նկատմամբ: Նա հանդես եկավ պառլամենտի կողմից Աղանայում հետաքննություն կատարելու նպատակով հանձնաժողով ուղարկելու, մեղավորներին պատժելու առաջարկությամբ: Զննադատելով Ջևադ բեյի հեռագիրը, հայ պատգամավորներից Վարդգեսը ժխտեց Աղանայի դեպքերին հայ ֆիդայիների մասնակցության իրողությունը, առաջ քաշելով այն տեսակետը, որ Աղանայի և Պոսի դեպքերը նույն անձի գործն են: Նա հանդես եկավ մեղավորների ունեցվածքը բռնագրավելու և վնասնե-

յոյ փոխհատուցելու նպատակով դեպքի վայր երկու հանձնաժողով՝ մեկը Մեյանիկի բանակի սպաներից, մյուսը՝ խորհրդարանից ուղարկելու, ավարտությամբ մասնակցած անձանց ունեցվածքը ետ վերցնելու, Աբդուլ Համիդի հարստության և ունեցվածքի մի մասը Ադամայի տուժածներին տալու առաջարկություններով:

Այսմայի կուսակալ Ջևադ բեյին ե ներքին գործերի նախարարի խորհրդակցան Ատիլ բեյին պատերազմական ատյանի առջև դատելու պահանջով հանդես եկան մաս հայ երեսփոխաններ Հ.Պոյաճյանը և Ն.-Տաղավարյանը, լնդգծելով, որ եթե այդ մարմինները առաջին ջարդից հետո համապատասխան պատժիչ միջոցներ կիրառեին, ապա երկույդ, իր չափերով ավելի մեծ ջարդը, տեղի չէր ունենա:

Բուռն քննարկումներից հետո, Հ.Պոյաճյանի, Արմեն Գալոյի, Հ. Պապիկյանի, Արիֆ Իսմեթ բեյի, Ալի Շենանի, Վալդեսի, Գեղամի, Վահան Փափուզյանի կողմից ստորագրվեց մի թաքրիք: Վերոհիշյալում մասնավորապես առաջ էր քաշվում Ջևադ բեյին և Ատիլ բեյին զինվորական ատյանի առջև դատելու, Հալեայի նահանգում, Ջեթումում, Անթարիայում և այլ վայրերում ռազմական դրություն հայտարարելու, իսլամական տարրերի կողմից պաշարման մեջ գտնվող Տեօթեօյ քաղաքի ազատման վերաբերյալ միջոցներ ձեռնարկելու, Պոլսից Ադամա զինվորական ատյան ուղարկելու, անօգնական այրիներին ու որբերին նպաստներ հատկացնելու, թալանված ունեցվածքները տերերին վերադարձնելու և վնասների քանակը ճշտելու խնդիրները¹⁸:

1909թ. ապրիլի 17-ին Գ. Ջոհրապը մի քանի երեսփոխաններին հետ վարչապետ Հուսեյն Հիլմի փաշային ծանուցեց խորհրդարանում Ադամայի կոտորածի առթիվ հարցապնդում անելու վերաբերյալ: Ապրիլի 19-ին կոյոթ ունենալով խորհրդարանում Ջոհրապը Ադամայի և մյուս վայրերի ջարդը բնորոշեց որպես իշխանության կողմից ծրագրավորված ձեռնարկ և խիստ քննադատության ենթարկեց Ադամայի կուսակալ Ջևադ բեյին. ներքին գործոց նախարար Ռեուֆ փաշային և խորհրդական Ատիլ բեյին կոտորածի պատասխանատվությունից խուսափելու, մուլ-նիսկ հայերին անհիմն մեղադրելու փորձերի համար: Նա զավեշտական համարեց, որ խորհրդակցանք մինչև այժմ չի կարողացել ճշտել, թե արդյոք ջարդի սկզբնապատճառները հայերն են, թե՞ թուրքերը: Այդ մույն խորհրդակցանք, որը քաջատեղյակ էր իրադարձությունների զարգացմանը, գոհերի քանակի մասին ճշգրիտ տվյալներ չի կարող հայտնել. մինչդեռ Մերսինի ֆրանսիական հյուպատոսի տեղեկատվության համաձայն գոհվել էր 20-30 հազար հայ: «Հայերը իբրև ապստամբ» ցույց տալու միտումը համարեց բացարձակ հերյուրանք և հավելեց. «Բովանդակ էութունովս կը մերժեմ հայերում վերագրված զրպարտությունը»: Ի հավելումն Ջոհրապը խորհրդարանին ներկայացրեց մի թաքրիք, որով առաջարկում էր.

1. Պետության միջոցներից Ադանայի և Հալեպի նահանգներին որպես առաջին օգնություն տրամադրել 20 հազար ոսկի, 2. Հիշյալ նահանգներ ուղարկել զորք և անդորրություն վերահաստատել, 3. Պոլսից ուղարկված սպաներից Ադանայում զինվորական ատյան կազմել և պատժել մեծ ու փոքր բոլոր պաշտոնյաներին¹⁹։

Հանցագործներին պատժելու և անմիջապես նպաստ հատկացնելու խիստ պահանջով հանդես եկավ նաև Վարդգեսը։ Ի վերջո բռնում վիճաբանություններից հետո խորհրդարանն ընդունեց Ջոհրապի կողմից ներկայացված թաքրիբը։

Հաշվի առնելով դեմոկրատական շրջանակների արձագանքը, ինչպես նաև ջարդի առնչությամբ հայ խորհրդարանականների պահանջները, Օսմանյան երեսփոխանական ժողովի 71-րդ նիստի որոշմամբ ջարդի պատճառները ճշտելու նպատակով Ադանա ուղարկվեց Հակոբ Պապիկյանի գլխավորությամբ չորս հոգուց բաղկացած հատուկ հանձնաժողով։ Ն. Տաղավադյանի և Մուսթաֆա էֆենդիի կողմից առաջ քաշվեց և քննարկման առարկա դարձավ խառը և զուտ խորհրդարանական՝ հինգ հոգուց բաղկացած հանձնաժողովի ստեղծման հարցը, որի արդյունքում հանձնաժողովի մեջ ընդգրկվեցին երեսփոխան Յուսուֆ Քեմալը²⁰, պետական խորհրդի նախադատ ատյանի նախագահ Ֆուսիլ Բեյն ու Մամաստիլի վիլայեթի դատական քննիչ Հարություն էֆենդի Մուստիլյանը։ Հ. Պապիկյանի կողմից կազմված տեղեկագիրը, որը կարևոր նշանակություն ունեցավ Ադանայի կոտորածի լուսաբանման ու կազմակերպիչներին հայտնաբերելու խնդրում, մի շարք փաստերով հաստատում էր Իթթիհատի անդամների անմիջական մասնակցությունը Ադանայի կոտորածներին։ «Ամենախոր ցառով սոխպուած եմ աւելցնելու, որ Իթթիհատ եւ Թերաքքը կուսակցութեան անդամները, Ատանայի վայրագ եղերերգութեան կազմակերպման և գործադրութեան մասնակցած են։ Այս իրողութիւնը հաստատուած է նահանգին զանազան տարրերուն կողմէ. հիւպատոսներէ, ամերիկացի միսիոնարներէ և լատին քահանաներէ»²¹։

Տեղեկագրի այս հատվածը հայերի ձեռքն է անցել Պապիկյանի մահից հետո նրա բնակարան այցելած Օսմանյան պառլամենտի անդամ Հ. Պոյաճյանի և մի թուրք երեսփոխանի միջոցով։ Վերջինս կնիքը մոռացած լինելով իր հետ վերցնել Պապիկյանի տեղեկագիրը իր հարակից գրություններով կնքում է Պոյաճյանի կնիքով և հանձնում է նրա ընտանիքին։ Պատրիարք Եղիշե Եպ. Դուրյանի համաձայնությամբ տեղեկագիրը բացվում, լուսանկարվում և բերվում է պատրիարքարան։ Պապիկյանի այս տեղեկագիրը հայերեն թարգմանությամբ 1919թ. հրատարակվեց Կ. Պոլսի «Կիլիկիա» գրատան կողմից²²։

Ադանայի կոտորածի առնչությամբ երիտթուրքերի, և մասնավորապես դոկտ. Նազըմի անմիջական մեղսակցության մասին է գրում նաև թուրք լրագրող Սևան Ջադե Ռիֆաթը, փաստելով, որ «Պոլսի տազնա-

այլ ընթացքին Իթքիւսատ եւ Թէրագզը կուսակցութիւնը հայերը չէր մոռցած: Ատանայի մասնաճիւղը Կեդրոնէն, մասնատրապէս Ատանայի մեջ ընդհանուր ջարդ մը պատրաստելու սկսած էր»²³: Քաջատեղյակ լինելով ինչպէս կուսակցութեան գաղտնի ժողովներին, որոշումներին, գործադրման ձևերին և վարած քաղաքականութեանը, Սևան Ջաղէ Ռիֆաթը նոր լույս է սփռում երիտթուրքերի ներքին քաղաքականութեան վրա և հնարավորութեամբ է սալիս հենց թուրքական աղբյուրների օգնությամբ չեզոքացնել թուրք պատմագիրների պատմությունը նենգափոխելու միտումները:

Հիմնվելով կառավարության կողմից պատասխանատուներին ճշտելու նպատակով Ադանա ուղարկված քննիչ հանձնախմբերի պատրաստած տեղեկագրերի և այլ տեղեկատվության վրա 1909թ. Մեջլիսը հրապարակեց մի հայտարարություն, որը պետական պաշտոնաթերթ «Takvimi Vekay»-ի հուլիսի 31-ի համալում հրատարակվեց որպէս նախարարական շրջաբերական (Meclisi Vukela Beyannamesi) և ուղարկվեց գավառային իշխանություններին: Վերոհիշյալում նշվում էր, որ հայերը «որոնք քանիցս իրենց դէպի Օսմանեան հայրենիքը տաժած անկեղծ մոլիրութեան ապացոյցը տուած են, զոի գացին անհիմն կասկածներու և գրգռութիւններու»: Շրջաբերականն իբրև եզրակացություն հաստատեց հայերի անմեղությունը, որոնք «չշեղեցան իրենց անցեալին ալ պահպանած հաւատարմութեան ուղիէն»²⁴:

Ինչ խոսք, դա բացառիկ երևոյթ էր մահմեդական մի երկրում, երբ օսմանյան կառավարությունը պաշտոնական խոստովանություն էր անում, սակայն հարց է ծագում, եթե հայերը մեղավոր չէին, ապա ովքե՞ր էին մեղավոր:

1909թ. հունիսի 29-ին Նախարարների խորհուրդը Ադանա ուղարկված քննիչ հանձնախմբերի տեղեկատվության հիման վրա որոշեց Ադանայի զինվորական ատյանի առջև դատել նախկին կուսակալ Ջևադ բեյին. Ատիլ բեյին, կենտրոնական զինվորական հրամանատար Մուսթաֆա Ռեմզի փաշային, «Իթիդլա» թերթի խմբագիրներ Իսսան Ֆիթրիին²⁵ և Իսմայիլ Սեֆային, Ջեբել-Բերքերի կառավարիչ Ասաֆ Էսատ բեյին և շատ այլ պետական պաշտոնյաների ու տեղական ազդեցիկ անձանց: Սակայն թվարկված այս որոշումները մնացին զուտ որպէս ձևակերպում և գրեթե չգործադրվեցին²⁶: Ընդհակառակը, Ադանայի կոտորածի զխավոր հանցագործներից Ջևադ բեյին, Ատիլ բեյին և ջարդարար մյուս «հայրենասերներին», փաստորեն, պաշտոնի բարձրացում էր սպասվում, որովհետև ինչպես երևաց հետագայում, Ադանայից հանված պատասխանատու պաշտոնյաների զգալի մասը բարձր աշխատավարձով ու պաշտոնով ուղարկվեց Կոնիա, Պրուսյա, Ադրիանապոլիս և այլ վայրեր: Իրենց որակմամբ դա մի «օղափոխություն էր»²⁷:

Այս առնչությամբ, անհրաժեշտ է նշել, թե Օսմանյան խորհրդարանում ինչպիսի բուռն քննարկումների ու վիճաբանությունների առիթ համ-դիսացավ Իսսան Ֆիլքրիի և տեղական երևելի աճ՝ Աբդուլ Քադիրի ձեռ-բակալման փաստը: Քանզի թուրք ծայրահեղ ազգայնականները, հան-ձինս Իսմայիլ Հազզը բեյի, թաքրիքով Ներքին գործերի նախարարից և վարչապետից բացառություն պահանջեցին անհիմն, միայն նախա-րարների խորհրդի որոշմամբ վերջ նշված անձանց ձեռքակալման առն-չությամբ: Երեսփոխանական ժողովի մեծամասնությունը դեմ էր այդ հարցապնդմանը, սակայն Իսմայիլ Հազզն և իր համախոհները դա հա-մարեցին սահմանադրության խախտում. ըստ նրանց, նույնիսկ Ադանա-յում պատերազմական վճռակի պարագայում, նախարարների խորհուր-դը իրավասու չէ նման վճիռ կայացնելու: Բնականաբար, նման վարքա-զիծը խիստ վրդովեցրեց հայ պատգամավորներին: Չավեշտականն այն է, որ խոսքը գնում էր Ադանայի ջարդերի հրահրող երկու անձանց ձեռ-բակալման և ոչ թե բանտարկության մասին: Ի վերջո ստվար մեծամաս-նությամբ որոշվեց հարցապնդումը հետաձգել մինչև Ադանա զնացած ե-րեսփոխանները ներկայացնեն իրենց տեղեկագրերը²⁸:

Ընդգծենք, որ ուշագրավ ու միևնույն ժամանակ տագնապեցնող հան-գամանքն այն էր, որ սահմանադրության ազատ և իբր թե արդար վար-չակարգի օրոք Ադանայի նման կարևոր նահանգի կուսակալության պաշտոնը հանձնված էր Աբդուլ Համիդի օգնակիսն՝ Ջևադ բեյին. նա-հանգի զինվորական հրամանատարությունը՝ Սալաշի 1895-1896թթ. ջարդի կազմակերպիչ, Ֆերիք Մուսթաֆա Ռեմզի վաշային, որը կարծես Ադանա էր ուղարկված Ջեթումում իր կրած պարտության վրեժը լուծելու համար, իսկ ոստիկանության հրամանատարությունը հանձնված էր Աի-մեդ բեյ անունով մի մոլեռանդի²⁹: Դատելով վերաբարդավածից, դեպքե-րի լսյոպիսի ընթացք, այնուամենայնիվ, կարելի էր սպասել:

Այսօր ևս թուրք պատմագրության մեջ որպես Ադանայի կոտորածի նախաձեռնող մատնանշվում են հայերը և այն նոր սերունդին ներկա-յացվում է որպես անխուսափելի ձեռնարկ «շփացած հայերին» կարգի հրավիրելու համար³⁰: Նման գործելակերպով թուրք ազգայնամոլները փորձում են թաքցնել իրենց նախորդների ոճրագործության հետքերը:

Մեր կարծիքով ուշագրավ է նաև թուրք պատմաբան, «Ալիզան» թերթի խմբագրապետ Մուրսոդ բեյի վաստարկները Ադանայի ջարդի վերա-բերյալ: «Կլիկիկոյ ջարդը «Իթթիհատ վե Թեւագզը» կուսակցությունը կազմակերպեց», գրում է նա, կարևորելով այն հանգամանքը, որ Ադա-նայի ջարդերը Իթթիհատի ակումբների հավաքություններից հետո միայն սկսվեցին, իսկ Իթթիհատի «Իթիլայ» օրաթերթը բացահայտորեն հող նախապատրաստեց ջարդի համար³¹:

Եվ ի վերջո, եթե Ադանայի առաջին ջարդը վերագրելու լինենք տեղա-կան կառավարության անտարբերությանն, ապա երկրորդ, ընդ որում իր

յափերով ավելի մեծ ջարդը, անկասկած, «Միություն և առաջադիմություն» կուսակցությունից գատ ոչ ոքի չենք կարող վերագրել:

1909թ. հուլիսի 23-ին Օսմանյան պատգամավորական ժողովի 124-րդ նիստի ժամանակ ցավակցություն հայտնվեց Էդիրնեի երեսփոխան Հ. Պապիկյանի հանկարծամահ լինելու կապակցությամբ: Նախագահը ժողովին ծանուցեց հաջորդ նիստի ժամանակ Ադանայի դեպքերի վերաբերյալ Յուսուֆ Քեմալի կողմից ներկայացվելիք տեղեկագրի ընթերցման մասին: Հաշվի առնելով հայ երեսփոխան Վարդգեսի համառ պնդումները, ժողովը որոշում կայացրեց շաբաթ օրը կարդալ ինչպես Յ. Քեմալի, այնպես էլ վաղամեռիկ Հ. Պապիկյանի տեղեկագրերը⁴¹: Թեև կանխորոշված, այնուամենայնիվ Հ. Պապիկյանի տեղեկագիրը այդպես էլ չընթերցվեց Օսմանյան խորհրդարանում: Պատահական չէ, որ երիտթուրքերի ղեկավարները ոչ մի ջանք չխնայեցին խափանելու իրենց կուսակցությանը քննադատող և ջարդերը խստիվ դատապարտող Հ. Պապիկյանի տեղեկագրի ընթերցումն Օսմանյան խորհրդարանում⁴²:

1909թ. հուլիսի 25-ին խորհրդարանում ընթերցվեց մի քանի թուրք երեսփոխանների (Յ. Քեմալ, Արիֆ Իսմեթ Բեյ, Ալի Մյունիֆ Բեյ) կողմից ներկայացված գրությունը, որտեղ հանգուցյալ երեսփոխան Հ. Պապիկյանի հայրենասիրական ծառայությունները քվելուց զատ առաջարկվեց հանգուցյալի զավակներին թոշակ հատկացնել և կրթության հնարավորություն ընձեռել: Այս առաջարկը հավանության արժանացավ շատ երեսփոխանների կողմից, սակայն ելնելով «պետական զանձարանի շահերից», չընդունվեց. այն ավարտվեց թուրք երեսփոխանների միջև ծագած վիճաբանությամբ և նույնիսկ դաեիժը լքելու երևույթով⁴³:

Եթե Ադանայի կոտորածը միայն հետադիմական ուժերի կողմից կազմակերպված լիներ, թերևս կարելի էր որոշ մեղմացուցիչ հանգամանքներ գտնել, սակայն իթթիհատականների կազմակերպչական դերը ջարդի մեջ և Հ. Պապիկյանի խորհրդավոր պայմաններում հանկարծամահ լինելն, ավելի էր ծանրացնում ստեղծված անվստահության մթնոլորտը:

Փաստորեն, Օսմանյան խորհրդարանին հայ երեսփոխանների, Ադանայի հոգևոր պետերի կողմից ներկայացրած քաջքիրները, դիմումները, բողոքները, զեկուցագրերը կառավարության համար ծանրակշիռ արժեք չունեցան: Հարցի հետ կապված ձեռնարկվելիք միջոցներն ու խորհրդարանական քննարկումների ընթացքն այնքան թույլ էին, որ կարծես մոտ 30 հազար հայերի մահը, միլիոնավոր ոսկիների արժողությամբ գուլքի ոչնչացումը այդքան էլ մեծ նշանակություն չունեցան: Հարկ է նշել, որ եթե չլիներ Արիֆ Իսմեթ Բեյի, Ռիզա Թևֆիկ Բեյի, Էմրուլլահ Էֆենդիի և ուրիշ անկողմնակալ անձանց նմանները, հավանաբար, մնացածները կբավարարվեին միայն Բ. Դռան կողմից ձեռնարկված միջոցներով: Թերևս թուրք կառավարության նոր մտավորականությունն էր, որ

հանձն առավ կոտորածի հեղինակ 40-ից ավելի մոսսուլման հանցագործ-ներին կախաղան հանել, ինչը և զայրացրեց իսլամական տարրերին, և Իթթիհատը մի զաղտնի խորհրդակցության ժամանակ մույնիսկ Հիլմի փաշային դաիլիճից հեռացնելու որոշում կայացրեց³⁴:

Թե՛ կենտրոնի, ե թե՛ գավառային իշխանությունների ձեռնարկած միջոցառումները բավականին թույլ էին, այն աստիճան, որ Ալանայում ռազմական դրություն հայտարարելուց 15 օր հետո հայ երեսփոխաններին հարցապնդումներին ոչ մի հստակ պատասխան չտրվեց վնասների չափերի, գոհերի թվի, կոդուպուտի քանակի մասին: Այն մույն կառավարությունը, որ 8-10 օրվա ընթացքում Կ.Պոլիս բերեց 40 հազար զորք և վերահաստատեց սահմանադրությունը, չկարողացավ մի քանի հազար զինվոր տանել Կիլիկիա՝ խռովարարներին պատժելու և թալանը ետ վերադարձնելու համար: Փաստորեն, կառավարությունը թոթի վրա մի քանի կարգադրություններ անելով, իր պարտքը ավարտված համարեց:

Կառավարությունը, ջանալով շեղել հասարակայնության ուշադրությունը, պաշտոնապես հայտարարեց, թե Ալանայի ջարդի հանցագործները 15 տեղացիներ են, որոնցից 9-ը՝ թուրք, 6-ը հայ: Ասլա բանտարկեցին 213 հայերի ու 149 թուրքերի՝ նրանց հանձնելով զինվորական դատարանին³⁵: Դատավարությունը տեղի ունեցավ փակ դռների ետևում, խիստ զաղտնի: Նման պարագան օրինաչափ է, քանի որ այն հատուկ միտումով էր կազմակերպված: Մեծ վեզիր Հուսեյին Հիլմի փաշան օտար տերությունների ներկայացուցիչներին խոստացել էր թույլատրել ներկա գտնվել դատին, սակայն իր խոստումը, բնական է, չկատարեց:

Ինչ վերավերվում է զինվորական դատարանին, անհրաժեշտ ենք համարում վիստել թուրք պատմաբան Չարքի տեսակետները, ըստ որի զինվորական դատարանը ամենաշատը Հ.Պապիկյանի զեկուցագրի հիման վրա մեղավորներին մահապատժի ենթարկելով՝ մեկ անգամ ևս - հաստատեց թուրք արդարադատության աշարջությունը³⁶:

Կիլիկիայի ջարդին մասնակցած տասնյակ հազարավոր ոճրագործներից միայն 200-ը տարբեր աստիճաններով դատապարտվեց և բանտարկվեց, որոնց մեծ մասին էլ մի քանի ամիս անց ներում շնորհվեց. բանտում մնացին 86 հոգի, որոնք էլ 1912թ. դեկտեմբերի 20-ին ընդհանուր ներման արժանանալով, ազատ արձակվեցին: Փաստորեն, դրանով փակվեց Կիլիկիայի հազարավոր անմեղ հայերի հաշիվը:

Հարկ է նշել, որ զինվորական ատյանի վճիռները գուրկ էին դատաստանական և օրինական արժեքներից, որի վառ ապացույց կարող է հանդիսանալ հետևյալ փաստը: Հիշյալ ատյանի կողմից վեց հայեր դատապարտվեցին մահվան՝ իբր թե Օհան օղու խանությունում հիսուն իսլամականների սպանելու համար: Սակայն այստեղ զարմանալիորեն նկատի չէ առնված այն հանգամանքը, որ խնդրո առարկա սպանված մահմեդականները այդ խանության բնակիչներ չէին, նրանք կասկածելի

մարյույն էին, ոյունք զանազան թաղերից էին հավաքված և բնական է, որ հայերին կոտորելու համար էին եկել և նրանց մահիլ զուգադիպեց հենց հայերի վրա հարձակվելու պահին³⁷։ Սա բերում է այն համոզմունքին, որ նույնչափ հանցավոր տեղական կառավարությունը իրական փաստերը քույարկերու և հանցանքը հայերի վրա բարդելու նպատակով զինվորական ատյանի կազմումից առաջ քննիչ հանձնախումբ նշանակվեց. «եթէ յանցանք գտան՝ աղէկ, իսկ եթէ չգտան, սուտ վկաները պատրաստ էին վկայութեան համար»³⁸։

Ադանայի դեպքերի հետ կապված 1909թ. մայիսի 22-ին Կ.Պոլսի հայոց պատրիարք Եղիշէ եպիսկոպոս Դուրյանը բողոքագիր ներկայացրեց Լ՛.Դոանը՝ պահանջելով պատժել հանցագործներին և հատուցել վնասները։ Ջոհրապի առաջարկով Կ.Պոլսի հայոց պատրիարք Եղ. Եպիսկոպոս Դուրյանը ի նշան բողոքի հրաժարական տվեց, որի արդյունքում փրկվեց անմեղ հայերի կյանք։

Հետագայում Գ. Ջոհրապը ստանձնեց 1909թ. Ադանայի կոտորածից հետո վեց հայ ընտանիքների դատը։ Իթթիհատակսնները Ջոհրապին առաջարկեցին ետ կանգնել դատավարությունից։ Համոզված լինելով, որ կառավարությունը ամեն ինչ կանի չխստովանելու այդ մեծ անարդարությունը և դատի շարունակությունը չպետք է ունենա սպասված ավարտ, նա այդ մասին հայտնեց նույն ընտանիքներին, որոնք ուզում էին շարունակել դատը³⁹։

Ջոհրապի համառ ջանքերի շնորհիվ Երեսփոխանական ժողովի 66-յոյ նիստի որոշման համաձայն 20 հազար ոսկի նպաստ հատկացվեց Ադանայի տուժածներին։ Հետագայում քննության առնվեց նաև այլ փոխառություններ ու վարկեր տրամադրելու մի շարք խնդիրներ։ Ուշագրավ է այն հանգամանքը, որ Կիլիկիայի հայության կրած միայն նյութական վնասը թուրք կառավարության տվյալներով հասել էր ընդամենը 96 հազար օսմանյան ոսկու, իսկ Մեջլիսի անդամ Հ.Պապիկյանի կողմից Կ.Պոլսի իշխանություններին ներկայացրած տեղեկագրի հաշվումների համաձայն Կիլիկիայի հայության նյութական վնասը երեք միլիոն օսմանյան ոսկուց պակաս չէր⁴⁰։

Ի հատուցումն Կիլիկիայի միլիոնավոր ոսկու արժողությամբ վնասների՝ Օսմանյան Երեսփոխանական ժողովը ընդհամենը 100 հազար օսմանյան ոսկի ծախսելու որոշում ընդունեց։ Սիայն վստահելի երաշխավոր ունենալու պարագայում երկրագործներին ու վաճառականներին տրամադրվեց 50 հազար ոսկի՝ հինգ տարվա ընթացքում մաս-մաս վերադարձնելու պայմանով։ Իսկ որբերի և այրիների համար օսմանյան կառավարությունը որոշեց հինգ տարվա համար տարեկան նախ 25 հազար ոսկի հանձնել Ազգային պատրիարքարանին, իսկ որոշ ժամանակ անց այդ չափը, ինչը և օրինաչափ է, 10 հազարի իջեցվեց⁴¹։

Գ. Զոհրապի բնորոշմամբ «Ադանայի աղետը մեր ազգի և Օսմանյան հայրենիքի մեծ սուգն է, այն մեծ զարհուրանք է և անդաքմանալի, բայց արդար լինելու համար պետք է ընդունել, որ Օսմ. կառավարությունը արեց այն, ինչ որ «մերկայ պայմաններում մեջ» բանավոր կերպով կորնալինք պահանջել իրմէ»⁴²:

Կառավարությունը ջախջից որոշ ժամանակ անց Ադանա ուղարկեց իթքիհատական Ջեմալ փաշային, որը 1910թ. հունվարի 23-ին Ադանայի հայ և թուրք երեւելիների խնջւյքում արտասանած իր ճառում այդ կոտորածը գնահատեց որպես քրիստոնյաների կողմից նյութական և մահմեդականների կողմից բարոյական վնաս⁴³:

Ամփոփելով վերը շարադրվածը գալիս ենք այն եզրահանգման, որ իթքիհատական կառավարությունն, այդուհանդերձ, որոշ քայլեր ձեռնարկեց ոճրագործներին դատական հետապնդման ենթարկելով ու նյութական օգնություններ տալով, որն իհարկէ ոչ մի համեմատական չափ չունէր ոճրի ծավալների հետ: Մեր կարծիքով, Ադանան այս իմաստով դարձավ երիտթուրքերի՝ Թուրքիան միատարր ազգի վերածելու արմատական ծրագրի մեկնակետ, մի խրախուսիչ ազդակ իրենց ցեղասպանական հակումները հետագայում հաջողությամբ իրականացնելու գործում: Քանզի դրանով դրսևորվեց թուրք կառավարող շրջաններին բնորոշ՝ նման հայտարարություններով իրական փաստերը քողարկելու ցայսօր շարունակվող գործելակերպը: Եվ հայ երեսփոխաններն էլ, որոնք Օսմանյան խորհրդարանում շատ փոքր թիվ էին կազմում, ինչպես նաև ելնելով կայսրությունում տիրող իրավիճակից և հենց թուրքական կուսակցությունների միջև առկա տարաձայնություններից, իրենց գործելակերպով հազիվ թէ կարողանային բեկումնային փոփոխություններ կատարել:

NAIRA BABAYAN

THE 1909 ADANA MASSACRE IN THE DISCUSSIONS OF OTTOMAN PARLIAMENT: THE POSITION OF ARMENIAN DEPUTIES


The present article tries to draw a light on the events of 1909 Adana massacre, in particular it aims to display the position of Armenian deputies in achieving punishment for the criminals, subjecting them to responsibility, providing financial compensation to the suffered people, and, above all, in getting rid of the Turkish blames addressed to them.

Under the pressure of active discussions and demands of the Armenian deputies the Ottoman Parliament undertook certain steps toward balancing the created tense situation; and yet, these casual attempts to punish the criminals could be in no comparison with the scope of the crime itself.

Thus, in conclusion, it becomes obvious that Armenian deputies, very few in numbers, could hardly achieve any crucial results.

ՃԱՆՈԹԱԳՐՈՒԹՅՈՒՆՆԵՐ

1. Տես՝ Յ.Յ.Թևրզեան, Կիլիկիոյ աղէտը, Կ.Պոլիս, 1912, «Ատանայի ջարդը և - պատասխանատուները», Մուշեղ եպիսկոպոս. Գահիրէ և այլն:
2. Տես որ՝ Հ.Հ.Սարտիրոսյան, Կիլիկիայի 1909թ. ապրիլի հայկական կոտորածը և երիտասարդ բուրքերի պատասխանատվության հարցը- Մերձավոր և Միջին Արևելքի երկրներ և ժողովուրդներ, հ.Վ. Թուրքիա, Երևան, 1970, էջ 297-318:
3. Ա.Ա.Համբարյան, Երիտուրքերի ազգային և հոլային քաղաքականությունը և պատասխանատվական շարժումները Արևմտյան Հայաստանում (1908-1914), Երևան, 1979, էջ 36-37:
4. Հր.Ռ.Սիմոնյան, Թուրք- հայկական հարաբերությունների սլաւամուրյունից, Երևան, 1991, էջ 144:
5. М.Кочар, Армянно-турецкие общественно-политические отношения и армянский вопрос, Ереван, 1988, стр. 178.
6. V.Dadrian, The Circumstances Surrounding the 1909 Adana Holocaust, Armenian Review, vol. 41, No 4/164, 1988, 1-3.
7. Ե.Ղ.Սարգսյան, Ռ.Գ.Սահակյան, Հայ ժողովրդի նոր շրջանի պատմության նենգափոխումը բուրք պատմագրության մեջ, Երևան, 1963, էջ 16, Esat Uras, Tarihte Ermeniler ve Ermeni meselesi, Ankara, 1950, s.575.
8. Esat Uras. Tarihte Ermeniler ve Ermeni meselesi, Ankara, 1950, s. 456-457.
9. S.Koça , Tarih boyunca Ermeniler ve Türk-Ermeni ili kileri, Ankara, 1967, s. 167-168, Talat pa* an* n hat* ralar* , Istanbul, 1946, s.167-168.
10. Kamuran Gürün, Ermeni dosyas* , Ankara 1983, s. 174-175.
11. Ա.Փափազյան, Հայերի ցեղասպանությունը բուրք քաղաքական գործիչների հուշագրություններում, Երևան, 2001, էջ 90-91:
12. Ս.Փարամազ, Կեանքն ու գործունեությունը, Փրավիտէնա, 1954, էջ 83:
13. Հայերի ցեղասպանությունը Օսմանյան կայսրությունում, փաստաթղթերի և նյութերի ժողովածու Ա.Գ.Ներսիսյանի խմբագրությամբ, Երևան, 1991, էջ 253:
14. Մ.Վարանդեան, Հ.Յ.Դաշնակցության պատմություն, Ի. հատոր, Գահիրէ, 1950, էջ 16:
15. «Ժամանակ», Կ.Պոլիս, 1909թ., թիվ 148, 11-24 ապրիլ:
16. Meclisi Umumi zab* t ceridesi, Devre: I İctima senesi: I, eilt: I, Ücünclü İnıkad, 12 nisan 1325 (1909) sal* .
17. V.Dadrian, The Circumstances Surrounding the 1909 Adana Holocaust, Armenian Review, vol. 41, No 4/164, 1988, 7-8.
18. «Ժամանակ», Կ.Պոլիս, 1909թ., թիվ 155, 20 ապրիլ -3 մայիս, մաս Յ.Թևրզեան, նշվ. աշխ. էջ 592-597:
19. Ա.Ս.Շարության, Գրիգոր Զոհրապի կյանքի և գործունեության տարեգրություն, Ս.Էջմիածին, 1996, էջ 202-203:



20. Սկզբում հանձնաժողովի անդամ Յուսուֆ Քեմալի փոխարեն Շեֆիկ բեյն էր ընտրվել, սակայն վերջինիս հրաժարականից հետո առաջարկվեց Թալեսթ փաշայի թեկնածությունը, սա նույնպես մերժեց և արդյունքում ընտրվեց Կաստամունի երեսփոխան Յուսուֆ Քեմալը: Յ.Թերզեան, նշվ. աշխ., էջ 607-611:
21. Ատանայի եղեռնը, Տեղեկագիր Յակոբ Պապիկեանի (Օսմանեան երեսփոխան Էտիրնէի), Կ.Պոլիս, «Կիլիկիա» գրատուն, 1919, էջ 42:
22. Ա.Դարբինյան, Հայ ազատագրական շարժման օրերեն, Փարիզ, 1947, էջ 209-210:
23. Մեվլան Ջադե Ռիֆաթ, Օսմանյան հեղափոխության մուր ծաղիկները և Իթթի-հատի հայաջինջ ծրագրերը, Երևան, 1990, էջ 104:
24. Փրոֆ. Վահագն Տատրեան, Հայկական ցեղասպանությունը խորհրդարանային և պատմագիտական քննարկումներով, Պայքար, 1995, էջ 111-112:
25. «Իթիդալ» թերթի խմբագիր Իսսան Ֆիքրին, ենթարկվելով դատական հետապնդման, հեռագրերով բազմիցս սպառնում է Մեծ եպարքոս Հիլմի փաշային, որ իրեն ազատ չարձակելու պարագայում բացելու է բոլոր զաղտնիքները: Վարչապետի հետ անձամբ հանդիպելուց հետո Ֆիքրին թեթև արտոքի պատիժ ստացավ, սակայն շատ չանցած Բեյրութում հանկարծամահ եղավ: (Փրոֆ. Վահագն Տատրեան, Հայկական ցեղասպանությունը խորհրդարանային և պատմագիտական քննարկումներով, Պայքար, 1995, էջ 112):
26. Հրանդ Գանգրունի, Հայ յեղափոխությունը Օսմանեան բռնատիրութեան դէմ (1890-1910), Պէյրութ, 1973, էջ 309:
27. Ս.Սալահ Գիւլեան, Պատասխանատուները, Փրավիտեն, 1916, էջ 100:
28. «Բիւզանդիոն», Կ.Պոլիս, Յուլիս 9-22, թիւ 3.875, Յ. Թերզեան, նշված աշխ., էջ 616-621:
29. «Ատանայի ցարդը և պատասխանատուները», Մուշեղ եպիսկոպոս, Գահիրէ, 1909, էջ 25:
30. Ջ.Կիրակոսյան, Երիտթուրքերը պատմության դատաստանի առաջ (19-րդ - դարի 90-ական թթ. - 1914թ.), հ. առաջին, Երևան, 1982, էջ 270:
31. Հրանդ Գանգրունի, Հայ յեղափոխությունը Օսմանեան բռնատիրութեան դէմ (1890-1910), Պէյրութ, 1973, էջ 310:
32. «Ազատամարտ», 1909թ., Յուլիս 23/5 օգոստոս, Կ.Պոլիս, N37:
33. «Բիւզանդիոն», Կ.Պոլիս, Յուլիս 27-9, թիւ 3.889:
34. Արշակ Ա. Ալաօյաճեան, Անհետացող դէմքեր, Գրիգոր Զօհրապ, Կ.Պոլիս, 1919, էջ 205-207:
35. Մ.Աղայան, Հայ ժողովրդի ազատագրական պայքարի պատմությունից, Երևան, 1976, էջ 273:
36. Y.G.hark, T'şrk devleti hizmetinde Ermeniler 1453-1953, Istanbul 1953, s. 237:
37. Ատանայի եղեռնը, Տեղեկագիր Յակոբ Պապիկեանի (Օսմանեան երեսփոխան Էտիրնէի), Կ.Պոլիս, «Կիլիկիա» գրատուն, 1919, էջ 38-39:
38. Վեր. Համբ. Աշճեան, Ատանայի եղեռնը եւ Գոնիայէ յուշեր, Նիւ Եորք, 1950, էջ 27:
39. Արշակ Ա. Ալաօյաճեան, Անհետացող դէմքեր, Գրիգոր Զօհրապ, Կ.Պոլիս, 1919, էջ 182:

40. Ալիշան Ա. Պայրամեան, Կիլիգա. Հայկական Քիլիս, Երևան 2001, էջ 192-197. նաև Շ.Թ. Թորոսյան, Կիլիկիայի հայերի ազգային-ազատագրական շարժումները 1919-1920թթ. Երևան, 1987, էջ 31:
41. Յակոբ Յ.Թեքեան, Կիլիկիոյ աղէտը, հ. 5, Կ.Պոլիս, 1912, էջ 811:
42. Դ.Ջօհրապ, Հայ պատգամաւորի մը հաշուետուքինը, Կ.Պոլիս-Սկիւտար, 1910, էջ 20-21:
43. Հ.Մ.Պողոսյան, Ձեյթունի պատմութիւն, Երևան, 1969, էջ 369: